

泰
雲
堂
集

泰雲堂詞集目錄

卷一 雕雲詞

渡江雲

登北固亭

青玉案

曉行

謁金門

金縷曲

寄施錫蕃

齊天樂

答周生雨中見憶詞

臺城路

爲周景唐悼女

沁園春

簾

臺城路

竹簾

百字令

畢秋帆尙書初卜葬靈巖山復徙地所此地松楸猶在馬鬣歸然憩息之餘不勝慨歎因成此闋

滿江紅

吳宮懷古

念奴嬌

月夜汎舟太湖

水調歌頭

月夜登包山翠峯絕頂望太湖

齊天樂

蟬

金縷曲

章孃者幼給事山西裴中丞家以琴授女公子後嫁爲縣養婦流傳至武林偶至許周生家述遙感唱與之琴音韻不凡周生爲製金縷詞並邀同作

邁陂塘

菱

邁陂塘

萍

燭影搖紅

戊午立秋

玉樓春

賀新涼

二娛膺薦入都枉過留飲復餞送於蓉湖舟次屬此以贈

河傳

賀新涼

題祝蘭陂侍讀山寺讀書圖卽送其觀察西秦

前調 己未三十自壽詞

摸魚子

東風第一枝 庚申元旦

前調 立春

滿江紅 題友人乞食圖

青玉案 潤州待潮時仲冬初九日也

木蘭花慢 曉行

石州慢 平原道中

風入松 渡蓉園記事

探春 留別晴芬

喜遷鶯 初秋道暑與花農薄莫放舟山塘至嚴橋畫鶴街

其妙月梳既上撥棹齊歸烟水渺然尾聲猶隱因
成此解花農約他日載酒與雙鬟歌此詞於莫雲

新月底亦白石老仙去後無此樂也

壺中天

琵琶仙

法原寺海棠

天香

桂花

鳳樓梧

解語花

疎簾淡月

壬戌八月自十三夜卽爲風雨所漫至十九夜始見霽月清輝耿壁光景已絕可憐

疎影

竹影

綺羅香

人日

萬年歡

冰燈

虞美人

齊天樂

題賈雲裝背花圖

江城子

露華

得麗人一頓殘妝倚枕悄然有思不知誰氏所作賦題曰被觀紅浪圖邀同人賦之

曲遊春

閨花朝

釵頭鳳

邁陂塘

清明後至五日積雨新霽偕社侶放舟過管社山尋楊園復渡太湖遊華藏寺看花

醉落魄

遊春晚歸折桃花一枝村舍無餅瀾以清泉插瓦

摸魚子

尤二娛自滇解組歸訪偕遊慧麓賦詞見贈依譜答之

木蘭花慢

題蓮圩早秋圖

齊天樂

題江飲泉同年秋隱鹿埭詞圖

齊天樂

種竹

玉樓春

齊天樂

賦得澗水無聲繞竹流

摸魚子

爲嵇生賦遙指紅樓是妾家

前調

借劉芙初慧山看桂芙初將赴刑溝

木蘭花慢

舟中秋夜感賦

金盞子

題李松潭農部同年繡詩圖

卷二

海棠集樂府拈題

齊天樂

崇安寺步月

前調

南瓜

賀新涼

校刻劉淳齋外舅快晴小築詞竟卽題其後

金盞子

菊影

水龍吟

題秋溪漁隱圖

宴清都

秋陰

齊天樂

晚秋雨中朱升華招飲因憶莫春燕此歲月忽忽
徂夏餞秋酒酣倚此解示同飲諸子并寄孟哉

菩薩蠻

浣溪紗

虞美人

水龍吟

江城子

柳

掃花遊

小春泛艇瀟湘望龍山白雲歛雨空翠隱現歷
絮中少頃日光穿漏丹黃萬壑舍舟著屐延眺叢
冢間景色幽峭惘然於懷

臨江仙

題春郊試馬圖

醉太平

舟中賦

齊天樂

題華秋槎北山旅舍圖

國香慢

紅蕙爲袁又愷賦

雨中花

海棠

如夢令

夏初臨

蠶豆

菩薩蠻

減蘭

題子蕭畫梅卷子

三姝媚

櫻桃

臨江仙

寄暢園知魚檻作

齊天樂

金銀花

望梅

梅子

徵招

玉蝴蝶

戀蕊花

醉落魄

齊天樂

都門賦爆竹

采綠吟

閏五月望日借晴芬莸初泛舟慶豐牖

賀聖朝

杏花天

小寒食宿雨初霽踏青至天橋登酒樓小飲揮柳
清波漪空蹴綠渺渺余懷如在江南村店矣顧其
簷額曰杏花天因倚聲書壁

齊天樂

玉延山館爲法時帆題

臺城路

銀魚

疏影

唐花

疏影

題王子卿蕭寺對梅懷人圖

賀新涼

題李蘭卿舍人薇垣歸娶圖

卷三

荔香樂府

滿江紅

荔支和陶山廉訪韻

摸魚子

詠江珧柱

滿江紅

蜜荔支仍用前韻

南歌子

咏陳家紫荔支

紅情

陶山屬詠盆荷用張叔夏韻

綠意

陶山屬賦小池荷用張叔夏韻

秋霽

吳荷屋典試浙江繪湖山秋霽圖屬題

摸魚子

爲言可樵賦

綺羅香

題瀟湘聽雨圖

小重山

題女几山房墨荷

五綵結同心

咏黃瓊子

摸魚子

以仇仁近無絃琴譜贈陶山蒙用仇集中韻賦詞

買陂塘

見謝依韻奉答

青玉案

題江南春畫留別陶山卽用陶山贈別原韻

卜算子

紅花埠道中

鷓鴣天

洞仙歌

題馮柳東重遊閬嶠圖

夢芙蓉

題陳石士寒閨訪夢圖

青玉案

冶城小西湖中生薤菜開白花圓潔如玉馮柳東沈夢塘同作

百字令

爲柳東題重脩曝書亭圖卽和其用竹垞集中索次岳畫原韻

漁家傲

秦皇堂詞集目錄

泰雲堂詞集卷一

金鑑錄

雕雲詞

渡江雲

登北固亭

楓林紅盡處孤亭湧出四面瞰秋光正渴虹飲雨兩點金焦晴
翠滿空江秣陵瓜步依稀辨烟樹微茫殘鐘歇白頭僧到閒話
說齊梁堪傷酒旗戲鼓都已飄零問瓊枝誰唱只爲是一番
佳處做出淒涼一竿北固青如畫銜盡了千古斜陽題壁罷潮
聲打到城牆

青玉案

曉行

空廊撲撲飛仙鼠正鐙暈花初吐算此際愁人最苦柝聲不斷
鐸聲相和有夢如何做馬嘶人起三通鼓又古道衝寒霧記

得瑣牕燈火處簾兒初放冠兒未摘猶倚屏山語

謁金門

寒惻惻極目半空雲濕雨態橫斜烟態直做春陰天色路轉
垂楊巷陌沾酒溪村南北宿網波痕翻未得東風初著力

金縷曲

寄施錫蕃

別又三年矣誰知道飄零更遠越王臺底溱水月明通桂水憶
著故人千里最難得它鄉昆季時偕難弟初蘭同客桂州白髮高堂方健飯
故鄉來一語差堪寄想正值望雲際聯吟況有青蓮李試爲
問烏蠻秋色千卿何事三十男兒名未就快意且當如是算畢
竟誰人名士虞仲宅荒鄒浩死古今來不朽文章耳莫負了千
秋志

齊天樂

答周生雨中見憶詞

午眠未熟桃笙膩苔痕潤流方礎柳色迷烟荷聲喧睡愁入水
雲深處新涼入戶憶舊日天涯同袍儔侶五葉旂風菩提共聽
戒壇樹傳來魚訊驟喜說扁舟計就盟向鷗鷺販橘風香采
蓴月白好趁三衢歸路紫茄綠芋已種向階前待君同住聽取
西牕翦燈深夜語

臺城路

爲周景唐悼女

攬簾柳絮輕如夢樓空晝陰催暝紫石刊書金瓠製詠腸斷
華瑤薜淒涼不盡又花擔錫簫隔牆聲隱一樹棠梨清明幾日
殯宮近樊南賦情未減奈中年已後哀樂難省挂壁琴絲壓
奩繡譜的的香痕脂印畫梁塵冷便燕子歸來紅絲誰認寂寞
黃昏小庭涵月暈

沁園春

簾

一桁低垂小小珠櫳鬱金畫堂把春寒約住棟風輕拍波痕嫩
過花影微颺寶押垂來畫又收了愁殺梁間燕一雙黃昏近說
春陰似墨悶掩銀釭揚州十里橫塘可記得三生杜牧狂有
玉纖小揭斜窺月額鳳尖輕蹴淺露鞦韆行過回頭度來剗襪
不隔相思只隔香迴關外聽落釵聲膩知卸殘妝

臺城路

竹簾

湘雲擘盡絲絲雨烟痕未消輕翠疎簾敲碁隱囊臨畫垂在綠
陰陰地愁人無計是隔戶相逢怎生迴避深院悄悄爐香惹住
鼻心字黃昏鎮垂銀蒜待玲瓏涵月便貯秋意河影斜捎夜
涼微度夢繞一泓烟水墮釵響裏又未了梳頭喚人鈎起生怕
歸來悞他雙燕子

百字令

畢秋帆尙書初卜葬靈巖山復徙他所此地松楸
猶在馬鬣踴然愬息之餘不勝慷慨因成此闕

巖寒翠老被天風吹作半空絲雨人在松陰濃處立濕透秋衫
白芎湖卷天迴雲將山去漸沒遙空樹暝烟催客欲歸幾度延
佇亭館靜倚山根一坏馬鬣鑿翠開庭戶明月不來空宿草
誰唱鮑家詩句葉冷烏啼苔荒鶴怨一片秋無主繚垣愁鎖遊
人還自來去

滿江紅

吳宮懷古

占盡繁華也直得夫差一死況剛值芰蘿人到湖山如此三載
君臣爭忍辱五千甲楯矜奇智笑美人絕代贈讎家癡人耳
璧月唱臨春起後來者誰堪比歎風流千古而今盡矣苔徑空
留麋鹿跡江濤盡是英雄淚只憐他目看沼吳兵東門裏

念奴嬌

月夜汎舟太湖

琉璃無界又接來玉魄清輝三五一碧秋光三萬頃點上小舟

狂舞身外龍蟠夢邊鶴掠胸次寬如許舉盃醉月不知誰是賓
主 人世老却坡仙洞簫吹徹清景誰能賦多少吳宮花月恨
換得一襟秋露角里村荒毛公壇冷仙也隨秋去鵲鵲解意背
人飛過沙潏

水調歌頭

月夜登包山翠峯絕頂望太湖

今夕是何夕天上玉京秋包仙去後遺却笙鶴在山頭七十二
峯烟翠三萬千頃波浪都作月華流西子此中去極目少扁舟
更何須銀漢水洗雙眸一聲吹裂霜竹喚起玉龍游我欲乘
之東下看取玉壺天地何處有瀛洲身外且休問醉酌碧花甌

齊天樂

蟬

翠陰如夢遺枯蛻聞聲便含淒婉望處凝烟聽來疑雨每到疎
時難斷商絃驚換聽曳過殘聲纖柯猶顫寫入琴絲爲渠譜盡

故宮怨 離情酒醒何處正山空古驛人在孤館金井秋深銅
盤露濕愁外斜陽易歛西風茂苑怕瑤樹吹涼綃衣驚晚塵鬢
如今向冰奩怕見

金縷曲

章嬭者幼給事山西裴中丞家以琴授女公子後嫁爲廝養婦流傳至武林偶至許周生家述選感喟與之琴音韻不凡周生爲製金縷詞並邀同作

絃語明如訴記少時師曹紅粉教彈白紵學語鶯雛飛不定春
在翠簾深處更紅燭蘭堂夜午喚取謝娘彈一曲儘曲終不許
周郎顧纏頭錦紛無數東風一去春無主似落花隨風飄墮
頓成塵土也似焦桐心半死忍理年時金縷却填就傷心圖譜
我亦江南腸斷客怕哀絃飛作青衫雨莫爲我再三鼓

邁陂塘

菱

颭西風漬紅沈翠銀塘稜稜如斃水烟漠漠吹香遠割取澄藍

幾畝秋八九漸撲水蜻蜓舞過花時候棹歌聲驟見輕浪濺
柔條紫腕采罷鳳鬟溜堆盤買乞與春纖輕剖最嫌涇指如
鋪偃人拈取紅彎問纖樣尖尖誰鬪算只有有飛鳳凌波比似
幫兒瘦湖船去後想釵股凝香鏡規漾月歸夢冷鶯脰

邁陂塘

萍

柳棉飛無端夜雨東風重幻身世鈿鈿遮徧樓臺影春色三分
餘幾并翦利也未許裁開一幅青羅膩輕勻圓細只鴨浴輕翻
魚吹偏活占了芰荷地過上已定有渝裙人至青銅難寫蛾
翠鈞絲乍拂輕痕破冷有遙山螺髻滄海裏想驀地相逢悟徹
浮生意天涯情味怕蕩子難歸愁人欲別點點是清淚

燭影搖紅

戊午立秋

見說秋來尋秋不著秋何處蕭蕭黃葉響西風却悟秋來路傍

晚涼雲約雨又漸向西樓歸去酒醒簾滑此段新涼要人分付
且待明朝高臺試上呼秋語奈秋問著總無言贏得悲秋句
已是江光曳素涵一派雁聲清苦便應說與倩喚秋歸莫教秋
住

玉樓春

秋衫澹澹裁新紵蝶繞袖羅飛不去潛行鴛跡襯紅香私語鳳
鬟吹綠霧黃昏重到迴廊路獨立花陰無意緒月華先上曲
紅闌似識玉人曾凭處

賀新涼

二娛腐薦入都枉過留飲復餞送於蓉湖舟次屬此以贈

乾鵲簷牙噪雪初晴蓬蒿三逕爲君却掃十載尊前重攜手青
鬢韶華漸老儘痛飲過申犯卯翻怕蘇臺烟月近恁吹簫市上
相逢少轉眼又五雲杳
瑟瑟畫鼓催征棹慢俄延蘭舟重上

玉尊重倒已約明年梅花發相見長安春早怎奈此臨歧懷抱
山色也如人惜別過長亭十里青難了雅背暮閃殘照

河傳

昨夜燈炮晚涼多半臂教添越羅倚嬌酌人嬰母螺迴波暈紅
春滿渦了鳥窻深嘆負約推忘却夢裏偏逢著起身遲暗尋
思來時問他知不知

賀新涼

題祝蘭陂侍讀山寺讀書圖卽送其觀察西秦

岳色披蓮蕊照郵程旄星夜落軍烽晨起立馬函關關口望指
掌山形聚米何用借丸泥封閉一劍烟塵看淨掃算范韓原是
書生耳聽朱鷺入鏡吹知君素抱澄清志看揮毫文成倚馬
墨磨盾鼻插羽紅旗馳露布奏捷甘泉宮裏纔酬了韜鈴奇計
回首僧廬寒晝粥正一編夜讀陰符秘畫中景尙能記

前調 己未三十自壽詞

回首懸弧矢，歎男兒居然三十年。華撚指，騎省潘郎，生白髮，差得兩年而已。況此日浮生，殉繁獻賦，金門張角，忤更一囊難索。侏儒米算，可是儒冠累。壯夫不屑雕蟲技，儘天公山林廊廟，憑他位置。千載何須詹尹卜。龜筮焉知此事。要史筆煩公後死，但說文章堪報國，恐蒼蒼未盡生才意。君莫笑言夸矣。

摸魚子

挂蒲帆，孤楂逕上，凌晨又渡淮浦。計程第一江南驛，認得疎林亭戍。應漸許，趁風熟蘋香，欹夢聽柔櫓。羈愁誰訴，指沙雪吹寒，祠雲畫夜，中有落鴻語。孟雲路，淮海仙人曾駐。而今秀句誰賦。蓬萊往事知多少，羅帕淚珠偷聚。君試去，向舊日洲邊問取。閒鷗鷺，一年兩度笑送汝。春江匆匆便返，已見冷紅舞。

東風第一枝

庚申元旦

彩爆暄晨銅壺餞臘年華一霎偷換獸尊屠酒初斟雞戶曉光
漸散焚寒宿冷尙障住東風新暖縱玉梅未醒花魂已是看春
心眼拈好句試題玉瑄聽笑語乍舉銀蒜額癡已鬪花妝釵
勝未圍柳圈翠生紅豔揔輸與鳳鬟先占便算到半月燈期預
約鬧蛾嬌伴

前調

立春

玉瑄回和綵旛颭曉東風一夜吹轉纔教散入紅氍早覺蒼鵬
夢短撩紅撥翠總付與東皇拘管料鬢蟬揀取新枝人在玉香
庭院認草甲金鉤乍展驗池角銀鱗欲泮丁宜挑菜鸞韉南
陌芳遊須緩遲吟欸賞莫怨道今年較晚數芳訊消幾番風定
有社前雙燕

滿江紅

題友人乞食圖

不食嗟來便饑死誰憐臣朔算除却卑田院裏此身奚北程尉
一錢都不直於陵三日何堪學笑淵明猶是有閑情詩篇作犬
也吠聲何惡人也罵吾何忤說當年杜老殘盃冷勺烈士誰憐
桑樹下才人且唱蓮花落指播間寒食紙錢風尋東郭

青玉案

潤州待潮時仲冬初九日也

暮烟叢裏千帆卸明月約潮初下正去任客愁盈把江神何苦
強來解事欲爲留行者登臨覓箇樵漁話此處有寄奴宮榭
莫把興亡間事惹柴窰天色明霞落日燒上描金畫

木蘭花慢

曉行

愁心誰替說聽鈴鐸語郎當正影偈霜寒柝敲夢斷擾擾晨裝
落月似憐倦客戀塵顏餘照恁蒼涼鏡裏暗凋朱彩鬢邊怕點

元霜溝傍流出紅芳一度度送年光便玉醺澆春銀箏譜夜
那滌迴腸問訊長亭柳眼去來頻定已識蕭郎解得別離情緒
從今莫教絲長

石州慢

平原道中

雉堞崩雲鷺堠斥烽頻記車鼓麥寒餅餌吹香風氣全開齊魯
村醪薄醉閒情正泥孤懷客愁長挂斜陽樹幾度過桑乾把華
年虛負頻數印蹄沙淺折轂陂危漸辭燕路馬首山青入眼
橫邀詩句微吟側帽聒人歷亂昏鴉帶詩沒入烟叢去古道不
逢人儘看天無語

風入松

渡蓉園記事

翠香院宇小亭池最好曉涼時遡紅早有蘭船橫步鷺屐萬綠
雲迷蝴蝶撲衣狂舞把伊認作花枝平臺正與縹櫓齊扶膝

女牆低天風不怕輕吹去留仙綳裙褶雙垂上到翠梯高處扶人兒上鞦兒

探春

留別晴芬

炙硯聯吟炮燈擘夢京華同是羈旅惜別花飛吹愁塵滿忽作匆匆離阻回首來時路又依舊一程程去祇驚堠館重經柳陰添得如許可念歸雲倦羽怕化盡緇衣青鬢衰素短策詞乖長門賦賤應悔來時原悞別淚青衾溼也抵過渭城朝雨三疊陽關旗亭畫爾詩句

喜遷鶯

初秋道暑與花農薄莫放舟山塘至嚴橋畫鷁街沙鷺鴻照水清歌胃波綠繞不去倚拍梢和獨得其妙月梳既上撥棹齊歸烟水渺然尾聲猶隱因成此解花農約他日載酒喚雙鬟歌此詞於莫霞新月底亦白石老仙去後無此樂也

彩虹晴壘襯夕陽波面葉翻紅隱金盃調水玉纖却扇平展寫

蛾清鏡倚酣橫短玉引歌串壓波涼
遊畫舫悄傍翠簾隙底羅
麝香滲燈影約不定忽轉棹聲歸路
山塘近花彈雪鬆綃圍
玉軟鑪鴨一川烟暝目隨鴻影去誰
與遞重遊芳訊料映燭卸
醉妝臉龐紅暈

壺中天

斷霞銷影蕩孤舟明月水隨天遠
澹到秋光無著處落盡排空
箏雁散髮抽簪洞簫橫玉吹徹關山
怨不知塵世紅樓幾處高
曼最惜正練澄江謫仙仙去清景無
人管狂態當時誰識得
月裏素娥曾見鐵鳳翻空銅駝換劫
幾度水輪滿船頭露坐葦
香吹雪飛徧

琵琶仙

法原寺海棠

雲纈晴酣趁清曉乍試傾城梳掠最
是無賴東風餘寒弄鈴索

休但說燕支淡了漸吹得粉痕都薄淚眼看花花應有語同是
流落問誰爲千里移根便生把明妃嫁沙漠昨夜夢回金屋
被曉鶯呼覺塵土澆何曾覓個卷簾人爲問飄泊賸有羈客春
愁無聊尋著

天香

桂花

毬釘金勾犀攢粟碎西風早試花信色豔酣秋熏濃醅酒人醉
蜜脾香滲小山賦就招曉夢重尋舊隱涼魄檀藥浸到霓裳珮
聲還認金魚記曾鎖恨未容窺翠陰清潤一點額黃偷注國
香誰贈留得斜陽半院好與覓元霜搗金鼎賸取相思尊前細
省

鳳棲梧

采香蓮艸空烟渚扇掩蟬羅鑪鳴微紅炷一片晚涼無著處行

雲歛作瀟瀟雨 昨日西樓新雁去樓角梧桐一葉拋秋句刀
翦夜燈深幾許隔窗蛩語人無語

解語花

窻挑夢穗棹撥蘋花曾是尋秋路選幽偷駐眉峯映涼凭水香
吹語斜陽漸去還繫定紅霜那樹絛扇邊小坐迴身艇窄蘭情
聚神渚驚鴻漫賦悵凌波甚日重見微步袖羅香在當時事
憶著驚鷗還妬飛霞弄晚儘閑卻半湖秋句愁倚舫頻數紅蜻
繞舊消魂處

疎簾淡月

壬戌八月自十三夜即爲風雨所漫至十九夜始見露月清輝耿壁光景已絕可憐

涼蛩院宇漸桂老懸香殘露如雨一歲嬋娟秋好最憐三五浮
雲偏把良宵誤是蛾眉便有人妬畫闌寒峭瓊樓霧濕共傷遲
莫消幾夜梧桐碧舞又袂衣催換愁散砧杵難忘闌寬腕雪

袖香濃處雁繩緊。曳西風去。喚秋光爭趨歸路。可憐後夜清輝。縱好誰開霜戶。

疎影

竹影

枝枝葉葉似洋州。墨派還更清絕。遮斷橫闌。槭槭蕭蕭秋聲巧。作離合舞鸞欲引詩魂去。蕩一片碧雲疑活。想玉梅林外。疏斜碎攪。怕難分別。猶記繚垣圍住。側窺落日。遶紅漏青雪。送客江沙認取。漁竿愁絕。一枝難折。粉廊尋到。槎枒處。卻又憶酒醒時節。最惱人。烟雨黃昏。歷亂小牕橫牖。

綺羅香

人日

紅帖祈蠶翠釵颭。鳳剛吐蕤芽。初七挑菜人來。約寄草堂詩筆。未盼得雁後春歸。立十四日春。猶自覺燕前寒力正。細梅纔試霞妝。遲開要鬪壽陽額。韶華休使浪擲。通歲靈辰。兩度蘭秋。今夕

數到鎗宵一半已成追憶乍聞却翦蝶心情未便放開蛾蹤跡
且邀它纖手投瓊夜簾拋選格

萬年歡

永燈

淬玉漚霜映蘭膏乍烘越顯寒潔似喚驪龍銜照水精宮闕但
訝清輝瑩徹認一片飛來冷月闌珊處暗憶靈芸玉壺紅淚偷
結流澌蕙波未活趁簷牙雪晴燕九時節吟徹犀心能得幾
多炎熱無分圍春暖闌伴瘦影梅花清絕還只怕一夜東風霎
華向曉吹裂

虞美人

酒醒夜半殘燈暈雨打珊瑚枕小窗吹溼暗香清人與梅花一
樣夢難成峭寒中逗陽和動曉色春雲送悞他挑菜鳳韉還
細剔香泥沁上幾行斑

齊天樂

題賈雲叢背花圖

壓肩紅影春愁重，成團蜨蜂隨定。旛畫星寒，鈴敲雨碎，栽趁泥融。三迳幾番風信，早踏遍閒園，尋來野町。歸卸銀衫，滿身香氣，露華凝。簫聲深巷喚賣，又攤錢乞，與花譜重訂。待燕銜將和，鵲吹折零落數枝宮錦。陰晴未準，更惜暝忺寒芳，心擔盡，恰稱詩衙署司香小隱。

雲叢自署司香小吏

江城子

殘燹鴛鴦弄餘寒，試春衫，怯春閑。淺淡妝梳，嬾自鬪春妍。近日心情知道否，梅已雪，不曾看。袖香濃減瘦金寬，倚闌干，淚闌干。料是啼多，那得眼兒乾。莫道未成相見計，教見了，也都難。

露華

得麗人一幀殘妝倚枕悄然有思不知誰氏所作戲題曰被翻紅浪圖邀同人賦之

畫屏曲曲有淚彈，楚雨魂攔巫雲。曹騰一霎蚪籤數盡，還醒欲

覓綵牋題怨正打窗葉撼愁聲誰與惜鈿蟬冷落鑪鴨溫存
當時記圍燕玉任臉暈渦潮花碎燈檠寶釵節枕一般又到黃
昏便有暖波流夢怕夢中猶悞尋春知甚日鮫衾重試鳳熏

曲遊春

閨花朝

已惜芳朝過趁桐蕾纔乳岐挺偷展蘭芍春深把重三替却綺
辰添祢撲蜨新陰晚認金粉舊香團扇醉翠尊細祝東風重向
畫樓開讌較暝禁烟催換待更約衙蠶先到巢燕百二韶華
儘焙香日嫩養晴雲卷說與前裙伴縱遲了蹋青休怨前度花
隙銀蟾依然未滿

釵頭鳳

緙金篋題瑤帖一緘方勝開還摺花時候君知否除了鞦尖恁
般依舊瘦瘦瘦東闌雪催啼鴉柳絲勝挽雙雙結芳時驟停

鍼繡嫩約湔裙者番休負又又又

邁陂塘

滿明後至五月積雨新霽借社侶放舟過管社山尋楊園復渡太湖遊華藏寺看花

瀉澄暉嬉春一葉湖光吹滿衣袂鷗夷見說隨潮去山影學描
穹翠浮蜃氣指花外樓臺正傍雲根起維舟徙倚有汝社清尊
谷音遺句刻竹數行字尋蕭寺古逕蒼龍髯墜桃源還在人
世晴香正蕩平波遠漲碧空霞紫隨蝶使便覓到深叢出路
迷難記旋催歸思問甚日重來天風擲笛喚月跨鸞背

醉落魄

遊春晚歸折桃花一枝村舍無併淪以清泉插瓦酒注中作詞慰之

露痕輕折青蘂可是優曇鉢勝他金縷清歌歇殘暈燈前倚醉
偎紅頰芳尊昏取清泉活餘香借與熏仙骨客牀一夜飛蝴蝶
蝶夢到秦天句裏壺春闌

摸魚子

尤二娛自滇解組歸訪偕遊慧麓賦詞見贈依譜答之

卸征帆歸衫萬里點蒼烟翠猶滿碧雞清醪須詞賦不是才人
休遣遊早倦辨肘後詩囊換却銅符縮官如夢短省阿焚楓青
烏癩塞黑淒斷故人眼西神畔問訊尋春舊伴鳳園雲葉初
展五年重踏泉邊路愁照黃塵客面張淨饌但到手盃行莫放
金波淺問他鶯燕說解宦年華繫船山色青眼幾回見

木蘭花慢

題蓮圩早秋圖

驚飛奩影淨凭曲檻度新涼聽岸柳蟬絃西風信到催換清商
斜陽翠蜻開雨怕尙餘殘暑在池塘最惜行雲夢杳睡波冷到
鴛鴦清湘好泛輕艘零露濕欲凝霜漸弄珠驚碎臉霞褪粉
扇柄搖香越娘采芳艇子怯金鷗早換薄羅裳幾日露房倒影
半湖看瀉蟾光

齊天樂

題江飲泉同年秋隱庵填詞圖

秋深更在雲深處支筇有誰尋到溝遠流紅霜飛悴綠一夜舊
題都埽西風斜照聽猶弄秋聲爲翻商調按罷銀笙蕙尖定怯
莫寒峭紅樓簾卷十里記曾吟荳蔻梢上春早玉削衣單烟
消蛾淺不是那時懷抱歌雲細裊趁冷逼簷清滑拋珠小響徹
征鴻數星橫碧曉

齊天樂

種竹

綠紗窻影生新暈鴉鉏乍分秋到敲夢霜清搖詩玉削疎簾已
驚涼早臨風一笑愛清聽蕭蕭俗襟都掃舊逕全迷杖藜有客
更相造玲瓏晴望不隔數峯天際遠猶隱青峭雨碎敲棋風
驚韻笛人坐簾空翠筍誰模畫稿怕枝葉橫斜粉廊月曉袖倚
天寒夜情應暗惱

玉樓春

深深庭院無人至，犀帖垂簾魚鑰閑。
到來消息轉沈沈，獨背瑣窗閑立地。
巫雲十二屏風底，昨夜乍涼焚宿醉。
恨他鬢武也無言，不喚曉妝人睡起。

齊天樂

賦得澗水無聲繞竹流

萬篴翠筇疑無路，斜縈一泓泉脈。流澗潛分，洄笕暗注，但聽青琅碎擊。淺沙印屐，怕密逕曾迷，沿流支策。默會絃心，舞鸞翻鏡，落平碧。陰厓春雪未盡，浸蒼雲屈瀉，猶帶殘白。清翦鵝溪低，捎鳳尾一幅，湖州橫墨。秋聲消息正靜，愜詩心，露梢晴滴。袖倚空山，苦吟聊破寂。

摸魚子

爲嵇生賦遙指紅樓是我家

踏青遊樂遊原上，相逢剛值花社。玉鞭依約春纖指，一角漆樓鴛瓦。銅街下信錦勒嘶風，認得閒亭謝歌櫻舞。柘便曲撥龍香。

孟斟鵝醕銀盞滿羅帕 沈吟記一幅舊家閒話客懷憑仗陶
寫鬢絲禪榻茶烟外我亦倦遊司馬歸去也問對酒當歌誰是
無情者輸君姚冶但淞剪裁愁衍波賦夢一任曉鶯罵

前調

借劉芙初慧山看桂芙初將赴邗溝

欸閒園斷崖分霽爽肌多是空翠袷衫剩燠催金粟又是一番
花事閒徙倚便歷遍亭臺總在濃熏裏舊山風味且細瀹釵頭
當斟缸面盡此一盃水 還細數能得幾回偕至漫言同是鄉
里西風欲卷行雲去重聽竹西歌吹君且止問涼夜人生幾度
花前醉秋陰容易怕後日明朝攜尊重踏香雨布金碎

木蘭花慢

舟中秋夜感賦

夜涼鷗鷺濶乍風定浪文圓正柳舫停雲蘆燈搖雪人在秋邊
樊川鏡絲颺後祇檣花趁客送流年故里秋香濃處幾人沈飲

花前衣牽別淚輕
脂清鬢蟬偏賸銷磨
冶思扶頭淺醉
枕手閑眠當筵墜
歡新賞但夢中題
向衍波戔還怕孤
衾難睡
篴樓戍角吹煙

金盞子

題李松潭農部同年繡詩圖

五夜熏香羨色絲
誰緝早朝詩句閒
卻衍波戔有暈碧
裁紅錦囊餘組吟
成付與靈芸把金
鍼徐度沈吟處停
鍼揀取清圓自教
鸚鵡雪豔織弓衣
肯更向蠻纓尋舊
譜春深江寢通靈
早綵壓思新句嬌
花舞挑殘兩字鴛
鴦又悄然無語憑
持比押雲盤繡看
誰媚嫵

泰雲堂詞集卷二

金鎖 孫爾進 平叔

海棠集樂府拈題

齊天樂

崇安寺步月

步檐排影銅街直西風巷聲初定鴛剝場虛獸鑲扇敝蠟屐暗
隨清磬古懷誰省湛池鰕澆星墨螭盤瀋高揭琳華經旛飄處
戒壇靜 旃檀香靄消盡怯霏空霽爽都變淒冷欹樹烏巢蹋
枝雅點落葉渾無賸影東籬霜信待覓取寒花夜燈鬢鬢莫負
秋光泛觴消漏永

前調

南瓜

團團移得蕃沙種東陵昔年人老夕照黃深晨霜翠駁蔓摘金
臺曾抱雨聲罷開和豆架蒼陰一齊都倒看月開門滿庭清露

夜蟲悄 鉤蕨蒲鴿都過一般名字裏誰及秋杪煨芋圓觚斷
壺方匕小試厨娘纖爪香薑細毫愛配取鮮腴花豬更好晚掃
荒畦尙餘殘酌小

青門晨灌沙痕濕鬢數規低枕璽甕團金翠罍圓玉拋徧荒
畦斷埂已過霜信聽剪落西風綠垣柔梗認取觚楞半邊欹卧
瓦溝穩 幽風壺斷差擬吳娘肪截處刀匕方寸調粉凝酥剖
瓢勻鼓面圓留賓幽興中秋遺贈愛爬爬聯縣競誇佳識莫羨
黃梁遊仙炊夢永

賀新涼

校刻劉渾齋外舅快晴小築詞竟卽題其後

寫盡琅玕紙似聲聲漸離擊筑行吟燕市古說悲歌聊當哭末
路英雄如此祇光氣文章不死收拾遺編慙李漢剔孤燈細校
昌黎子唾壺缺淚難止 少時香案神仙吏誇豪舉金盆洗脚

平生意氣一卷河渠三策在誰續馬書班志嗟謠詠蛾眉同忌
昨歲西州迴馬榮甚青蠅肯弔荒原裏翟公語我能記

金盞子

菊影

老圃尋秋恰滿城風雨句纔題罷看晚放斜陽香狼籍晴飭半
籬花矮砌陰一雲移過早涼蟾浮彩陶令去迷離逕雲深處有
詩魂在難采那堪戴空外色樗仙沒骨派清陰倩誰位置釉
堯畔層層素練密界夜深澹到無言化滿屏香靄燈移處隨著
比瘦人兒也到簾外

水龍吟

題秋溪漁隱圖

溪香活活流雲葦花深處孤篷橫吳罌汲翠楚烟然竹西巖夜
起紅糯流珠雪鱸膾玉晚楓同醉聽唱殘銅斗青蓑獨速誰知
是元真子莫著羊裘歸去怕臺邊有人能記珊竿收卻掉頭

不住好騎琴鯉明月沙鷗挈首無迹蕩秋千里待春來準儼重
尋一片是桃花水

宴清都

秋陰

遠水兼天淨沈沈極關河千里催暝遙空只讓叢蘆白颭亂楓
紅冷涼雲瘦盡斜陽定羞見夫蓉弄影便夜深閑煞秋光素蛾
也掩妝鏡梅黃潤入紅綃比來不似今番淒迴傳書雁到穿
鍼人去曝衣樓靜燈昏說雨猜晴卻猛作去聲五更寒信悞綠窻
欲譜商聲玉絲未緊

齊天樂

晚秋雨中朱升華招飲因憶莫春燕此歲月忽忽
徂夏餞秋酒酣倚此解示同飲諸子并寄孟裁

西風不了黃花事縹涼又吹新雨榨霽檐深醉漚檻小憶著已
山詩句此時情緒且細倒金尊緩歌金縷說餅題糕銅盤閑把
食單譜中年懷抱易惡此生應最戀良會吟侶方罨敲棋斜

封鬪茗醉裏消磨時序能禁幾度記宴罷櫻桃又成秋暮響徧
疏篷路長愁倦旅

菩薩蠻

送春只惜花飛了而今剩綠都如掃已是沒商量安排與斷腸
幢幢簾影黑獨倚迴廊立最怕上燈時當時那得知

浣溪紗

折得花枝帶蝶歸衣香細夾蕊香來膽瓶秋水傍妝臺羅袖
雙揎金釧冷雅鬟偏重玉釵知背人邀與卸頭時

虞美人

夜寒吹到瓶花也須把珠簾下月華飛颺感金衫卻向閑階燒
了夜香還熏篝斜倚捱鴛被好處難忘記弄嬌楊柳欲眠遲
無限春風只在小腰支

水龍吟

桁簾依舊低垂，闌干橫在傷心處。西風一片，雨歸巫峽，雲歸洛浦。椒戶蟬紗，萸苗紅袖，樓蒲綠箸。記燭花背後，明波斜溜，悄吹過如蘭語。解識而今情緒，悔歡會從前輕棄。鈿函金鎖，香絲翠卷，淚綃紅聚。叔寶神傷，東陽園減，更憑誰訴。恨無情九月，香階猶印，舊雙鴛路。

江城子

柳

永豐坊裏若平生，眼兒青。覷行人，淺淡眉兒，記得畫來真。只怕舞多腰瘦，削禁不得許多春。待眠換了，鬱金裙，試輕釵弄輕盈。雨膩雲鬟，梳洗越精神。猶是繫春春不住，嘶趕到短長亭。

掃花遊

小春泛艇，滬瀆橋望龍山，白雲欲雨，空翠隱現，涇絮中少頃日光穿漏，丹黃闌壑，舍舟著屐，延眺巖冢間，景色幽峭，憮然於懷。

浮風弄雨潤一片詩心靜飛平楚秀眉碧聚彈蒼鬢寒倚絮雲
猶護葦港孤村野色被伊銜住呼遊侶向畫裏機船同試幽步
斜陽紅幾許便做弄晴妍祇餘霜樹錦屏破路歎更無人到
斷碑閑撫喬木西風只伴蒼烟鶴語漸催去曉愁生暗隨芒屨
臨江仙

題春郊試馬圖

新翦花箋流赤汗碧蹄踏碎春晴春風吹綠出城園桃花分馬
色楊葉試弓聲弄影驕嘶隄上路畫樓繡殿簾旌落梅一曲
喚傾城錦鞵紅繡襦扶上更輕盈

醉太平

舟中賦

花寒燭陰愁濃酒醒夢回孤擁青綾聽風聲水聲棲鳥自驚
孤鴻打更起看吹面霜清洗船頭月明

齊天樂

題華秋槎北山旅舍圖

相思十載相逢乍紫芝初識風貌梅雪疑寒芹香逗暝算祇故
園春早恹恹一笑趁似箭流波畫船開了送別江亭辭家翻說
是歸權而今歸向何處北山留小築占斷清峭倚檻調鷗開
關待鶴風味幾人同調無田也好羨鱸雪尊鹽未輸三泖後日
思君支筇尋畫簫

國香慢

紅蕙爲裳又愴賦

珊佩霞裳怪靈均楚製別試春妝光風絳闌陰轉拆遍丹房便
是愁魂碧花賸猶垂羅帶纖長相逢被塵步喚作飛瓊豔絕三
湘夢迴微中酒認頰潮薄暈淨夜鉛霜小唇樊素應記紺唾
吹香一曲瑤琴疏越拭儼淚休怨清商王孫舊遊歇杜宇聲中
一片斜陽

雨中花

海棠

道是塗脂太赤道是調鉛太白醉暈嬌羞春兩頰是者般顏色
問訊謫仙開彩筆忍重到沈香亭北記一自似花人去後怕
見他顏色

如夢令

衣牘去年寒淺已有定巢新燕尋到小門邊一樹桃花飛徧不
見不見何況笑桃人面

夏初臨

蠶豆

翠莢排珠綠箕嵌玉蛾眉同擅嘉名栽傍畦邊慣沿麥壘縱橫
白花開向叢深似雙棲蛺蝶難尋垂垂低結何須弱蔓牽上松
棚園丁歸後柘館晨開玉纖剝取粒粒芳勻香粘翠釜飄來
煮繭風清最數南京趁齋期燕笋同登記嘗新三眠初罷分圃
清陰

菩薩蠻

鈿蠶小顫釵梁裏銀泥褶褶裙垂地斜日落花飛草香蝴蝶低
綠陰清似水春上紅衿紫直是甚心腸更翻金鳳皇

減蘭

題子瀟畫梅卷子

驪珠光濕香迸鮫人盤裏泣甚地清閒玉暈冰皴幾箇圈最
高最癯想像攀時煩玉手一筆橫枝中有林逋兩首詩

三姝媚

櫻桃

繡英初謝了向鈴枝曾窺綠珠嬌小傳罷燕支又翠絲難繫玉
窻春老小嚀歌唇渾未遜含珠嚶鳥記曲拈來細寫相思那人
知道當日瑛盤擎到伴玳筭開厨蕉霜同飽碎迳珊瑚算幾
曾消得杜陵吟抱十載天涯將好夢簾陰催覺最憶分明閒賭
樊姬慙巧

臨江仙

寄暢園知魚檻作

淺夏陰濃花落去交枝門徑初成畫橋倒影鏡中行一池淨淥
山色染來深木落記曾窺隋翠而今換了圍屏茶煙香細愜
清吟日斜欲去禽語似留人

齊天樂

金銀花

翠藤分占酴醾架嫩鬚半窺檐隙釵股鬟鬟釘頭碎萼照眼叢
叢黃白還丹有術看幾日凡鉛煉成金色夜氣吹香石門小隱
料能識靈苗最宜消暑問農經紀否本草曾釋魚玉津涼蟬
膏乳嫩輪與清風兩腋春纖小摘向石鼎蒸雲露珠狼籍小盞
澆詩冷芬傾一滴

望梅

梅子

綠肥銅井尋芳來較晚水空香淨但遶牀摘弄駢枝笑簪與燕

姬喚他青杏倦繡心情正無奈翠綃香潤聽攔街叫雨釀就吳
酸尙催餘陣 晶鹽醺來脆豐便雛鬟點語爭似他俊惹小嚙
玉水華池卻犀齰偏吹玉妃微病唱罷江南賸一點相思金鼎
擘含瓢箇人在裏寸心自省

徵招

文鴛去後青苔卷銅鋪靜局芳晝約略舊狂蹤傍畫橋閒走綠
荷相倚恨向愁裏一時回首不蓋雙禽也應羞覩睡漪交脰
數遍玉闌干何時見雲藍感花雙袖低瞰翠簾空讓遙山明秀
無情波上柳尙相對纖蛾長皺帶圍減可向人閒念衛郎消瘦

玉蝴蝶

續桂花

落盡粉梅千朵好風吹起還綴成團蕊葉難分綠英又似苔錢
夜窻虛墜來月滲春空淨摘得星寒便香綃勻揉徧滾終邈清

圓團藥雪溫玉軟是誰搓弄還更餓剗謝女嬌癡便思閒蹴
上秋千細看取東風轉處長是在挂玉簾前怕闌珊春皇去後
偷解連環

醉落魄

西風容易彩雲一散渾無據當時便是成離阻有箇人兒念我
飄零苦月明依舊穿窗戶酒醒不睡聽更鼓縱教睡著馮誰
訴夢也傷心不到消魂處

齊天樂

都門風爆竹

裂雲驚破瞢騰夢千門早迴春意鼓瑯飛和乘箛散暖如向璇
霄燒尾一鞭送喜訝移地晴雷聲聲相似縛就車船五窮想也
定驚起西巖曾記汲翠向虛廊然楚清響輸此片片花飄回
回雪聚也學亂愁縈委故鄉千里正孤坐遙聽喧聲如沸餞歲

詩成一枝燈影裏

采綠吟

閏五月望日借晴芬莪初泛舟慶豐牖

尺五城南路岸墨幘便狎沙漚鶯颺泛舸葦香侵句蟬韻絃秋
溼雲低弄影粘空碧莫山澹畫滄洲隔重闌冰壺靜烟中漁榜
誰扣仙侶共前期蓉湖晚舫曾弄波皺一棹覓蓬萊早冷
落漁謳對滄浪空濯塵纓吟魂倩飛鴻寄清愁催歸思沈雨漲
陰遙籠采樓

賀聖朝

圍牀十幅屏風小一絃春江繞欲馮歸夢到江南奈亂鴉啼早
簾垂銀蒜窻關了鳥護水沈香裊清明過了剩些寒有杏花
知道

杏花天

小寒食宿雨初霽踏青至天橋登酒樓小飲彈柳清波漪空皺綠渺渺余懷如在江南村店矣願其

簷額曰杏北天因倚聲書壁

穀紋學得青帘颭人倚檻初明望眼濛濛新柳餘寒淺一夜雨
絲綠慘休負了玉尊春滿但回首三千程遠杏花也帶江南
怨慵傳晨脂淺淡

齊天樂

玉延山館爲法時帆題

傳來餐玉囊中訣琳腴一枝新剝石髓研雲瓊糜搗雪鳬鼎炊
香初熟羊羹漫辱也儘勝延齡雪山黃獨別却蘭香欲尋遺種
向唐福前遊曾記海月問瀛仙去後誰寄芳躅學士歸來山
僧寄到好配防風甌粥長鑱白木念露涸靈苗白雲空谷便擬
從君覓仙同辟穀

臺城路

銀魚

平波一網銀鱗感纖萬條如練玉尺頻拋銀簪比樣吟遍沙

頭津店貯來冰盃訝鱗鬣全空瑩素難辨認取雙睛紅珠映水
兩椒點 燕山風物又別比吳江白小未是珍產玉筋金盤銀
絲細骨杜老詩情未減消寒欸譙笑學士焚餘又賒酒券醉憶
鸞湖夢迴青嶺遠

疏影

唐花

千林隕葉早霜風漸緊芳意都歇葭管春萌黍谷溫回東風韞
扇偷幹阿嬌夢貯黃金屋被喚醒冶情猶怯莫妬他竹外疏梅
獨占歲寒清絕 從使酣紅爛漫蜨蜂悄未覺幽思誰說宮綵
裁餘羯鼓催開比似者回全別尙嫌繡榻圍香密未便放吟魂
飛越只倚鑪淺笑燕姬與鬪暈脂雙靨

疏影

題王子卿蕭寺對梅懷人圖

珊枝卧月憇一花未試先自清絕古寺空山問省前遊疏鐘如

引孤屐巡檐索共東風笑慢憶著故人標格數十年鶴啄荒苔
負了半庭香雪今度燕臺話舊憶花倍悵望重悔輕別夢醒
參差驛使江南惆悵一枝難折墨池留得春長在悄不怕玉龍
吹徹約歲寒同結芳盟與訴素心高潔

賀新涼

題李蘭州舍人薇垣歸娶圖

朶殿鳴梢曉傍彤墀兩行玉筍最誰英少一品仙衣珊珊骨
只數鄴侯風貌圍金帶鳳池春早花豔紅樓簾卷盡驟驕驄踏
遍長安道看爭指獨孤帽潞河一夕歸帆峭拜君恩口脂
面藥青廬擎到荔子香濃紅雲宴仙樂幔亭飄緲休但說催妝
詩好更有宣麻新樣脚翦綠綈親寫金鸞誥趁筆勢騰蛾掃

泰雪堂詞集卷二

泰雲堂詞集卷三

金鎖 孫爾準 平叔

荔香樂府

滿江紅

荔支和陶山廉訪韻

沉瀟天漿渾壓盡楊梅盧橘更何論中邊甜到蔗霜崖蜜白傅
新詩曾上口紅塵往事空靄臆竿何如身作近南官楓亭驛
數釘坐逢仙客看壓擔夸方物且論園買夏辟疆梓澤絕品未
容瑤柱並輕紅只合春纖擘到秋深留得一瓶香醇醪力

摸魚子

詠江珧柱

趁春潮靈犀解角彎環堆徧鯽渚拾來幾輩魚娃手不用千絲
漁罟緇食譜驗玉柱仙姿水族加恩餽香生翠釜愛珂乳清腴
瑤肪瑩潔鮮淡吸秋露風物好當年南食曾賦稱名羞並章

舉尊前俊味誰能省只有涪翁詩語堪並數又綴向釵頭十八
娘風度興來拾取好席挂天風盃銜海月高咏謝公句

滿江紅

蜜荔支仍用前韻

縹蒂霜餘最耐久千頭奴橘訝丹實色香不壞漬來石蜜微皺
絳凝光照手餘甘玉醴香凝臆看年年水遞木蘭船三山驛
充饔豆羞嘉客馳包匭陳方物競金瓶拜賜

上方恩澤何必僧殊纔酷嗜卽教詩老能頻擘便小臣波及得
分嘗慚何力

南歌子

咏陳家紫荔支

星實含飴乳羅囊綴綴聯絳襦嫌未合時宜別染暮霞顏色製
綃衣屋借黃金貯阿嬌姓陳煙同弄玉醅華清浴罷薦豐肌最是
仙姿絕世玉環肥

紅情

陶山屬詠盆荷用張叔夏韻

嬌酣弄色似玉容
殢酒水綃輕密一舸田田
鷗鷺江南舊相識
玉女盆邊重見認
梳洗風姿猶憶比浴
向第二溫湯嫋嫋粉香
濕平立翠蓋側對扇柄
倚風露盤初日夢迴太液
千縷紅翻浪花碧
莫怨移根玉井仙掌上
薰風如昔但甚日雲錦底綠
蓑攬箇

綠意

陶山屬賦小池荷用張叔夏韻

匳塘灩潔裊幾莖
紺玉姿更清絕
倒影亭亭玉骨冰肌
不怕薰風吹熱
華清舊事曾窺見
算只有鴛鴦能說
向阿誰買斷芳灣
費卻翠錢千疊
最是霓裳倦舞
漢皋待解珮紅褪裙褶
丁屬西風莫卷行雲
容易滿絲輕雪
越娃不放橫蘭艇
近露檻一枝先折
向晚來沙際招涼已映半規新月

秋霽

吳荷屋典試浙江縉湖山秋霽圖扇題

仙客驂鸞趁桂子吹香秋在蓬島罷詠霓裳乍排銀榜纖雲碧
空晴杳湖波渺渺翠盤冷浸銀蟾小剛一笑纔信泛查天上果
尋到船倚六柱棹轉三潭翠稀紅疏春思都掃漾晴暉吟懷
超越晚妝西子淡逾好幾點夫容霜未老最繫情處可是一片
瓊樓乘風歸去錦袍寒峭

摸魚子

爲言可樵賊

水嬉張使君高譙相逢一見相許量珠手結千絲網莫待綠陰
遲莫金屋貯慙繡地花天肯放春閑度別離偏遠在桃葉煙江
榕城歸艇雙槳載愁去芳盟在方悔前期錯在花濃偏又辭
樹天涯誰念樊川老禪榻鬢絲千縷君知否從來是紅顏絕代
俱黃土而今最苦但錦袖行過彫蘭倚著都是斷腸處

綺羅香

題瀟湘聽雨圖

白鷺洲邊黃陵祠側愁對低雲催暮一霎瀟瀟斑竹黃蘆無數
語舊遊燭剪西窗看新漲水生南浦瀉檐聲騎鶴樓高迷茫遮
斷漢陽樹馮蘭誰弄玉笛似喚湘靈起舞零鈴遺譜短夢敲
回最記夜江鳴榔雅衡陽斷鴈低迷和梧峽冷後淒楚待幾時
嶽翠吹晴片帆天際度

小重山

題女兒山房墨荷

玉几何如玉女峯一枝花照影墨池中更餘一葉裊香筍清露
裏羞落萬嬌紅孤艇繫垂虹掩篷曾聽雨綠雲濃舊香一夜
卷西風愁相對夢繞五湖東

五綵結同心

咏黃嬪子

犀株陰密鶴頂花深得名邈自壇隈未信天工巧渾疑是金刀

翦綵安排馬纓微感青珠小瓏瓏似結線穿來笑嬌小吳姬未
識摘來道是楊梅漸看赤絲飄墮過幾番梅雨綠轉黃回昨
夜韓嫣去閑拋打金彈擲向瑤堦冰丸未逸蜂脾味堆盤處且
緩傳盃須說與槭來芳字賺他撥蠟偷開

摸魚子

以仇仁近無絃琴譜贈陶山蒙用仇集中韻賦詞見謝依韻奉答

訝新聲庭花翻落陽阿來自何許清吟合繼山村作譜出天風
海雨絲桐語到悟徹無絃何處留秋住問君何苦却自理金徽
細調銀字重寫斷腸句思往事舊盟試覩鷗鷺垂虹記共遊
處碧山白石俱仙去似此清才堪數江南樹問司馬攀條幾度
曾容與何時歸路好共買扁舟小紅一曲泛宅五湖去

買陂塘

小西湖

傍城根蒼茫野色板橋隔斷塵境水風小颭菰蒲葉吹上一襟

香冷寒鏡淨繞四面瑤屏倒浸蒼鬢影佳名恰稱比畫舫西冷
澹妝濃抹相對兩邢尹尋遺址崇臺落礎猶賸舞裙歌扇飄
盡瓜棚翠窮荒畦路換却行春深徑馮誰問祇眠浪閑鳬往事
應能省一聲孤磬引仙梵花宮茶煙微颺小啜綠陰靜

青玉案

題江南春畫留別陶山卽用陶山贈別原韻

頻因戀別吟佳句問征棹何時住秋到螺江霜滿樹西風樵水
斜陽梨嶺都是懷人路筵筵司馬曾相許還向柔乾蹋冰渡
後日尋君知有處金閨門外清江花月畫裏春重賦

卜算子

紅花埭道中

古道驟驕驄一望平如砥薺麥茫茫綠未齊春在溟濛裏
茸帽曳輕裘斜日寒如水回首江南正落花香上紅衿鬢

鷓鴣天

廿四橋邊蕩槳輕重城行過更維艫玉簫教曲人何處獨宿瓜
洲聽雁聲年衮衮鬢星星重來杜牧憶三生二分明月真無
賴十里珠簾最有情

洞仙歌

題馮柳東重游閩嶠圖

鹿谿南去昔日維艫處認得沿江冷紅樹恠重來換却綠鬢金
章依舊是竹馬兒童盈路宦情陶令薄料是難忘十八仙娘
舊風度小住海天秋高卧榕陰要消受綠天疎雨相逢晚莫漫
賦歸歟又芳艸春波畫舫南浦

夢芙蓉

題陳石士寒閨訪夢圖

涼颼翻柿葉悵行雲一霎薜華小劫七出菱花何處覩圓靨施
衣搜蠹篋留仙猶賸裙裙裊觸無端過桃葉洲邊愁上渡江櫂
長簾空牀折摺一枕夢鶼鶼舊徑飛胡蝶芳心欲訴簾額響犀

押醒來情更怯弓弓錯認鴛牋寫出傷心有葉兒樂府譜就淚盈睫

青玉案

治城小西湖中生蘼菜開白花圓潔如玉邀馮柳東沈夢塘同作

冶城西畔明湖繞向鏡裏移蘭棹蘼菜沿流紫荇藻并刀剪後翠釵丁倒涼月浮波小蘋香零落菱香老臘有明姿玉纖拗半側銀杯鈎露少更愁羽化澄瀾渺渺一夜西風掃

百字令

爲柳東題重脩曝書亭圖卽和其用竹垞集中索次括書原韻

孩兒橋下記輕帆西轉舫唇曾泊問訊金風亭畔路難覓釣師棲托萬卷娜嬛幾叢寒玉空想行窩樂荒涼騰色龍鍾誰補籬落而今館外畝湖林閒別室依舊聯吟酌醞舫書巢如在眼窈窕翠深簾幙摩詰圖成盧鴻志就胸次開邱壑明年春水約君同策銀角

漁家傲

夜雨敲窗消淺醉夢回陡覺寒侵被
柳葉聲中秋欲沸花一穗
青燈冷照人無寐客裏光陰真浪費
故園幾日茱萸會殘點
滴將愁並碎誰共對影兒知道人憔悴

恭錄

諭祭文

晉贈太子太師原任閩浙總督孫爾準祭文

維道光十二年歲次壬辰 月朔越 日

皇帝遣官

諭祭於晉贈太子太師原任閩浙總督孫爾準之

靈曰

蓋臣效職公忘私而國忘家盛代酬庸德懋官而功懋賞悵賢良之殂謝頒綸綍以褒嘉聿考彝章宜膺卹典爾晉贈太子太師原任閩浙總

督孫爾準品誼端方才猷敏達起家翰苑三考
書名作郡巖疆一麾出守由監司而陳臬欽恤
民依迨屏翰以价藩肅清吏治爰畀封圻之任
益崇保障之勳開府粵江量移皖水駕輕就熟
旬宣再莅閩中遣大投艱節制遙連海外迴憶
偏隅搆釁小醜跳梁爭先伸九伐之威善後裕
萬全之算受降島嶼恬鹿耳之波濤述職京師
沐螭頭之雨露特加官保用勸勳臣耀雀羽以
揚輝觀龍光而引對去歲齡登周甲膺力方剛
先期命荷重申恩榮載錫甫越一年之候倏抱

沈痾特寬兩月之期俾資靜攝溫言疊賞冀獲
安痊遺疏俄聞殊深悼惜贈師垣而銜晉席世
祿以寵延許長男射策於楓墀俾仲子遷階於
蘭省於戲馨流蘋藻申奠醑以獎成勞膏溥黍
苗聽謳歌而思善政靈其來格歆此苾芬

恭錄

諭碑文

晉贈太子太師原任閩浙總督諡文靖孫爾準碑文

熊幡宣力式敷遠大之謨猷麟碣銘勳聿篤初終之典禮惟在位而忠勤備著斯酬庸而軫恤彌殷爾晉贈太子太師原任閩浙總督孫爾準澤衍韋平聲蜚吳會早列金龍之選職領瀛山俄分銅虎之符化澄汀水監司載擢謹飭政以提綱廉訪晉除肅刑章而執法旣而蕃宣游歷

節度旋膺皖番之繁劇皆勝聞越之情形尤悉
爰特加以總制遂渥被夫殊施感奮旣深蓋枕
倍矢勤勞不勸才略斯張鋤莠稂於巨浸之中
向前迅速運籌策於重洋之外善後周詳光賁
翠翎授官銜而優獎壽臻花甲錫宸翰以馳頒
乃邁厲之俄聞俯俞休沐冀沈痾之立起佇獲
安痊豈知倚畀方殷淪徂忽告實深悼惜宜荷
褒嘉師垣旣示以尊崇世賞復邀夫稠疊眷猶
周於厥子春榜名榮寵且逮於諸孤夏官秩晉
謚曰文靖表厥生平於戲賁丹綸之璀璨陳雕

俎而用薦明禋傳青簡之芬芳峙螭碑而長留
偉績昭茲來許勉爾後昆

大清贈太子太師諡文靖

特旨入祀名宦祠 太子少保兵部尚書閩浙總督金匱孫公墓志銘

史官福州陳壽祺謨文

道光十有二年春正月己酉朔越二十有八日丁丑 太子少保兵部尚書閩浙總督金匱孫公薨於位

天子念海疆劇要遽失倚毗深軫惜之晉

贈太子太師賜祭葬如禮

賜諡文靖

子長子慧惇進士次子慧翼兵部員外郎復奉

批答前疏曰曷勝追悼之至曰已成夢幻矣天下感歎以爲

君臣遭遇之間數百年所未有也逾月兩公子奔喪至將扶匱

歸葬以壽祺與公久相知請銘墓壽祺往自武林還京師嘗拏舟蓉湖訪公旣而同在詞垣編摩天祿跡淡而志親及持英蕩來茲土每從容諮民俗虛懷海納言多聽從或縱論海內文章人物如契印齒公之下交壽祺也恭壽祺之知公也亦悉於公子之請雖不文其曷可辭按公幼讀書一目十行舉止端重器局英亮少隨侍父撫部公貴州廣西官舍弱冠從王述菴侍郎邵二雲學士受業年三十作自壽詞云但說文章能報國恐蒼蒼未盡生才意公抱負非常不屑以文人自居於此見矣試禮闈出大興大庾吉林三相國之門三相國門生故舊滿天下士之四方輻湊者如入良醫之室集藥栝之庭公又爲吉林公子師然進退以禮獨一無所依附及筦閩鹽筴大府桐城汪尙書公舉主也適有嘉定李藩伯被訐獄尙書持之急撫部不能救

公進諫不聽踰數日李君竟雉經公哭之慟經紀其喪歸其孥徧告寮屬所以賻贈之甚備雖觸大府忌弗顧也壽祺以是心服公之執義不阿不畏彊禦也通籍翰林凡院中制詞典冊悉以委公公雖處承明而研究朝章國政務爲經世之學比擁節旄十餘載章奏文檄皆自屬草朝見庶僚晝治官書夕攷政業又以其閒綴詩筆披襲袂百務倥偬措之餘裕每與監司守令有所謀政議未上而牘札先四馳矣遇事可否是非一言立剖及施之軍國靡不洞中窾會其知汀州汀介贛潮之間姦宄攘劫爲民害公治以嚴明坐堂皇鞠訟無虛日民無羈累屢奉檄赴屬邑勘獄勘阨隘奸無所容大吏召鞠疑獄輒數言定讞衆驚以爲神其釐鹽政請復硃秤以補耗折定江西引地以配戶口分限完短課銀三十二萬有奇以紓商力商人德之其撫安

嶽前後遇宿州靈璧鳳陽泗州潛山五河霍邱水患放口糧銀
二十餘萬兩緩征蠲免民數凍餒逃亡者赴江寧監臨鄉試途
次聞潁州警密飛檄藩司督守令營將剿獲迅速閭閻安堵其
撫閩稔知延建山徑叢雜易匿莠穢請年撥鹽庫帑息萬兩
資緝捕先後獲盜首戮之飭所屬行聯甲法迄今著爲令其巡
閱臺灣成立惠行禁佔番田建鳳山城勘餉屯埔地肇畫善以
周謂鹿港沙淤淺狹噶瑪蘭山峻路險負載難行請改海口以
五條港隸嘉義縣丞烏石港隸噶瑪蘭頭圍縣丞通貿易疏積
穀商賈皆悅而願出於其塗其督軍事籌關噶瑪蘭事宜凡十
有四如番社墾地分給民人減免餘租緩報升科豁民欠錢糧
及田園之水衝沙壓者存常平倉穀移營制增隘寮編保甲立
族正皆撫馭之要也公最重民食道光元年閩縣侯官穀不升

卽開倉平糶且招販臺米五年十一月閩中各屬米貴豫請弛
海禁募商運浙米十數萬石其外汀州龍巖寧洋德化永春先
後各請發倉者一二補無匱故歲儉而民不饑公好與水利莆
田木蘭陂者躬自宋熙寧間侯官李長者宏溉田四十萬畝瀕
海東角遮浪兩邨隄以石千有一百餘丈疏溝大小百七十有
八設斗門涵洞啓閉以時久之陂圯潮灌變膏腴爲斥鹵公憂
之捐廉勸輸凡糜十數萬緡遴邑進士陳池養董其役築石壩
三於荷包瀨以遏衝沙并脩溝洫及延壽陂南北二洋咸浚復
其舊歲以有秋命遵浙江海塘程式造石隄工竣公大書鎮海
隄三字刻石立隄側福州西湖者鑿於晉郡守嚴高唐宋以來
屢脩治溉田萬餘頃

國朝康熙後凡四濬之頃湖墊隘公延鄉官王士功周圍爲石

隄使永鰲湖之北梅柳橋始暢流而西北諸山之水有所鍾四
野霑渥東湖在郡城東北久湮宋蔡忠惠復五塘卽其地也鄉
民願自捐貲開之公令先濬鶴嘴橋土壩口以醜水源三月竣
事溝渠頗導達矣公亟振文教捐助鳳池書院餐錢請編臺灣
粵籍生員中額增廣臺鳳嘉彰四縣及澎湖廳文童進學額購
書籍分貯海外學宮書院請以明儒黃石齋先生從祀兩廡又
鳩貲鋟其全集重建貢院增號舍千有餘間厚其牆垣道皆砌
石糜十萬餘緡復以餘貲重纂省志親裁定之公尤嫻兵略彰
化賊李通等與粵民挾嫌糾衆鬪殺奸徒誘煽乘機焚掠數日
延及嘉義先是水師軍門分巡臺灣公慮臺地南北袤千餘里
重兵駐其南賊必北竄淡水檄諸將率兵自五虎門渡八里坌
疾趨艋舺阻之調金門鎮陳化成率兵渡鹿港圍捕使賊不能

遁入海公卽日馳赴廈門策應又檄別將率兵分赴彰化淡水而札諭戎帥嚴剿捕當是時賊氛熾蔓延月日所戕殺不下萬餘人屍相枕藉於道室廬旣燬民無所歸不死則相從爲盜彰化距淡水二百里間蹂躪尤甚抗拒官兵頗有所傷而戎帥與梗接兵不得要領文報多不實乃姑集衆講和損失威重賊愈張無忌釀禍且益鉅於是公奏准陸路提督馬公濟勝移駐廈門而自率長福連羅水師千徑抵鹿港察知許蔡二帥遲延謬誤狀劾罷之而議賊造謠焚掠非反叛律當以強盜論淡水以北意在報復當以械鬪論助鬪者老弱單丁皆寬減鄉愚附和脅從者不株連始公至臺民懷疑必興大獄旣而首戮六人皆素名兇惡於是民爭相傳謂總督止誅強盜不誅良民也餘以次按律定罪數百人旬日人心大定當是時

上方出期門伏飛遣大臣前鎮臺灣者率而南挾閩舊將及燕齊偏裨丞倅與俱且許其便宜調沿途兵

朝廷推轂以寄閩外慎重與征討等而公已由大甲赴淡水收餘燼屢疏言北路賊平彰化難民悉歸莊舉義首自縛匪徒令以閩人捕閩粵人捕粵可省兵力而前所遣大臣者弗果來軍需不緊亂亦過已於是除三灣番割之患番割者漢奸能通番語與生番市竄內山往往散髮易裝引生番常出劫掠民常苦之三灣黃斗乃其魁也公檄諸將三路入討之內山險阻蒙翳蹊徑不可尋值秋霖溪漲賊匿後山懸厓滑如錫趾不容寸諸將攀藤上擒黃斗乃等二十一人實於法人心大快自軍興閱三月事平乃撫恤難民以北路兵單請以南路遊擊一員移駐淡水以竹塹守備一員移駐大甲公於是役也履險如夷不爲

浮議動簿牘枹鼓之間從容鎮靜酷暑中繕疏飛書揮汗立辦
籌筆徹宵鬢鬢爲之頓白僕從有勸以愛惜精神者公曰我受
國恩此身豈尙爲我有耶麾下聞者莫不感奮是年冬十二月
奉

命晉太子少保

賜花翎明年入

覲蒙七

召見垂詢海疆事甚悉

上以公治事勤能且歲功速

再賜服

賜幣

予次子候補光祿寺署正慧翼以主事卽用爲大吏勤職者勸

踰年京察奉

旨議敘十有一年恭遇

皇上五旬萬壽以公年六十

特賜御扁曰錫羨巖疆

御書福壽字各一其餘

賞資便蕃出於異數

命公子慧翼恭賚至閩益公負名世之資席世祿之闕竭忠誠以奉

君國才猷什倍於儕伍故

朝廷寵顧之深超越尋常公歿而猶悼惜無已也公自赴浙江閱兵感寒溼患癰踰年將監臨鄉闈病劇乃乞假醫治

上賞假兩月期滿請開缺仍

賞假一月不數日而公遂逝春秋六十有三於戲哀哉閩中人
士僉呈大吏請以公崇祀名宦疏入是年十二月八日

特旨准入祠毋庸再交部議非常曠典中外榮之明年四月葬
公於陽湖新塘鄉之原公天性孝友規摹閎達知人明而用之
能盡其材任事勇而行之不知其勤宅心夷白而不爲礪礪之
行練才敏快而不爲訑訑之聲色有黃次公扶藹之神而不矜
趙張有寇子翼文武之略而不學孫吳古之所謂孚一德宣四
方鏤景鍾而銘衛鼎者非斯人其誰與歸

系曰公諱爾準字平叔一字萊甫世爲無錫人後占籍金匱明
萬厯甲戌進士第一人官吏部左侍郎贈禮部尙書祀鄉賢諱
繼臯者公七世祖也

清贈中憲大夫江南淮徐兵備道諱仁溥者公高祖也

贈資政大夫兵部侍郎廣西巡撫晉

贈振威將軍安徽巡撫兼提督軍門諱廷鏞者公大父也乾隆戊子舉人已丑

欽取內閣中書軍機處行走官至廣西巡撫祀鄉賢諱永清者公考也乾隆六十年舉於鄉嘉慶十年第進士公之科名也授翰林院編修充

武英殿纂修文穎館提調全唐文摠纂官教習庶吉士大考二等京察一等十九年出知汀州府擢福建鹽法道二十四年授江西按察使仍調福建甫兩月遷布政使調廣東尋授安徽巡撫中途調廣東仍補安徽道光三年調福建五年授閩浙總督六年晉

太子少保十二年

贈太子太師公之敷歷也前湖北督糧道通州諱錫嘏女劉夫人者公之配也道光乙酉舉人內閣中書

賜進士慧惇蔭生光祿寺署正

賜兵部主事晉員外郎慧翼者公二子也

銘曰臯颺益贊德義豐亮采惠疇岳牧崇梁谿清淑鍾我公海邦砥柱旄鉞雄甘雨崇朝興岱宗陂湖當復肥澤農黃雲萬頃春膏醲有時中野安噉鴻亥倉減糶玉粒紅舳艫相望米舶通檣人雖薄釜不空往者蝸蠻紛鬪攻鯢人龍戶成沙蟲疾馳帆舫裨瀛東奏彈韎韐威如風扶桑出日彎天弓陸誓水慄收悵賁

天寵三錫酬厥庸勲伐榮哀垂始終後世無叛由杜翁孰識智名與勇功公之遺愛將毋同

題爲僉懇入祀名宦事該臣查得

聖世紀功元祀重酬庸之典編氓誌愛明禋深報德之思已故閩浙總督

晉贈太子太師孫爾準學貫韜鈴胸羅星宿勲櫜繼志守忠孝之家型藝苑紉書秉精嚴之史筆三長擅美上考愛登五馬宣風一麾出守權酤正策旋晉秩于監司陳臬開藩廣敷猷于舊部自專城而建節一紀甫週由六皖而八閩連圻久任靖萑苻之藪海不揚波整細柳之營兵皆有勇樓船飛渡曾揮下瀨三軍牙纛周巡更上平戎十策體

至仁之育物法禁株連付

大勇以安仁

詔褒鎮靜剿匪旣熟籌善後經邦常洞燭幾先置
戍築城固雉堞以上紓

宵旰汎舟輸粟集鴻啓而下撫瘡痍復水利則南
北洋開木蘭陂亘急田功則東西湖後雲稻畦連
軫恤商艱緩舊逋以裨新課振興文教修志乘而
拓棘闡慈祥持平讞之情膏流肺石清慎飭庶僚
之治恪凜心箴綜厥居官考其立品事功政績悉
有裨于

國計民生勁節清操並足勵夫人心風俗飾終極
渥已邀

申命之駢蕃戴德不忘猶係子諒之愛慕名實旣
屬孚衆論子孫非現任九卿崇祀之例允符名宦
之祠宜進茲據各司道轉據府縣會詳請

題前來除將事實冊送部外謹會

題請

旨

奉

旨原任總督孫 由翰林外任府道薦擢至閩浙

總督辦事認真不辭勞瘁前此臺灣匪徒滋事
迅速戡功善後事宜亦俱籌畫周妥魏 具題
請將孫 崇祀名宦祠孫 著准其入祀名宦
祠毋庸再交部議欽此